

Na osnovu člana 38. Zakona o građevinskim proizvodima («Službene novine Federacije BiH«, broj 78/09), Federalno ministarstvo prostornog uređenja d o n o s i

## PRAVILNIK O OZNAČAVANJU GRAĐEVINSKIH PROIZVODA

### Član 1.

Ovim Pravilnikom propisuje se način označavanja građevinskih proizvoda, te oblik i sadržaj oznaka usklađenosti.

### Član 2.

Građevinski proizvodi za čija je tehnička svojstva dokazano da su u skladu sa svojstvima određenim odgovarajućom tehničkom specifikacijom, označavaju se oznakom usklađenosti određenom prilogom 1. koji je sastavni dio ovoga Pravilnika na način i sa sadržajem određenim tom specifikacijom.

U slučaju da se postupak ocjenjivanja usklađenosti provodi i prema posebnom propisu, građevinski proizvod, uz oznaku prema tom posebnom propisu, mora biti dodatno označen u skladu sa stavom 1. ovog člana.

Uz oznake propisane ovim propisom, građevinski proizvodi smiju biti označeni i drugim oznakama, ako se tim oznakama ne dovodi u zabludu lice koja koristi proizvod prema njegovim svojstvima i načinu upotrebe.

### Član 3.

Građevinski proizvodi za čija je tehnička svojstva, na način propisan Pravilnikom o uslovima za lica koja provode radnje ocjenjivanja usklađenosti građevinskih proizvoda i Pravilnikom o ocjenjivanju usklađenosti građevinskih proizvoda, dokazano da su u skladu sa svojstvima određenim odgovarajućom tehničkom specifikacijom, kojom je prihvaćena usklađena evropska norma, označavaju se oznakom usklađenosti "E" određenom prilogom 2. koji je sastavni dio ovoga Pravilnika na način i sa sadržajem određenim tom specifikacijom.

### Član 4.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj: 01-02-3-1464/10  
Sarajevo, 21. decembra 2010. godine

Po ovlaštenju  
Vlade Federacije BiH  
Premijer

Mustafa Mujezinović, s.r.

PRILOG 1.

Oznaka građevinskih proizvoda koji odgovaraju uslovima iz člana 2. ovog Pravilnika:

<p><i>(ovaj prostor mora ostati prazan)</i></p>
<p>ime proizvođača sjedište odnosno adresa proizvođača zadnja dva broja godine u kojoj je oznaka stavljena na proizvod evidencijski broj ovlaštenog pravnog lica za ocjenjivanje usklađenosti* – klasa, broj i datum izdavanja certifikata o usklađenosti</p>
<p>oznaka tehničke specifikacije građevinskog proizvoda naziv građevinskog proizvoda proizvođačeva identifikacijska oznaka građevinskog proizvoda obavještenje o svojstvima građevinskog proizvoda</p>


\* evidencijski broj se upisuje u slučaju da je ovlašteno pravno lice za ocjenjivanje usklađenosti sudjelovalo u postupku ocjenjivanja usklađenosti

## PRILOG 2.

Oznaka građevinskih proizvoda koji odgovaraju uslovima iz člana 3.ovog Pravilnika:

 evidencijski broj ovlaštenog pravnog lica	ime proizvođača sjedište proizvođača zadnja dva broja godine u kojoj je oznaka stavljena na proizvod evidencijski broj ovlaštenog pravnog lica*
	oznaka tehničke specifikacije građevinskog proizvoda naziv građevinskog proizvoda proizvođačeva identifikaciona oznaka građevinskog proizvoda obavijest o svojstvima građ. proizvoda

\*evidencijski broj se upisuje u slučaju da je ovlašteno pravno lice učestvovalo u postupku ocjenjivanja usklađenosti



### *Konstrukcija oznake*

- ukoliko se oznaka usklađenosti smanjuje ili povećava, odnosi dati na priloženom crtežu moraju se poštivati.
- ukoliko nije propisano posebnim propisom, različiti dijelovi oznake usklađenosti moraju imati iste vertikalne dimenzije koje ne smiju biti manje od 5 mm.